



南京戶部右侍郎兼南京都察院右僉都
御史呂維祺謹

奏爲在南言南在戶言戶敬補遺訪幽忠乞
勅議謚以光

大典以勵世磨鈍事項閱邸報崇禎五年十月
內禮科都給事中張國維題爲議謚久稽
勵世宜急等事奉

聖旨謚典久稽這條奏事宜著禮部看議來說
欽此據科臣疏稱頃有爲遜國諸臣請謚
者奉

旨下部酌議仰見

皇上表忠至意超越千古等因又稱冊內旣臚
遜國諸臣而純忠如卓敬輩尚多不載豈
非

盛典有缺等因竊惟謚以尊名節以一惠故闡
幽微顯之公典正勵世磨鈍之大權如靖
難死事諸臣方孝孺之死不草詔甘殞十
族徐輝祖之巷戰不屈被幽自裁景清之
緋衣挾刃精英迭見黃觀之自投羅刹妻
女皆沉以及陳迥鐵鉉練黃諸臣之五噫
悲歌背立蕤肉寸磔枕藉瓜藤轉抄皆上

不愧

皇天下不愧夷齊卽我

成祖文皇帝亦曰彼食其祿自盡其心又曰諸臣
盡忠於我

太祖故盡忠於建文又曰立賢無方使練子寧尚
在朕固當用之至於

仁宗之稱忠臣從寬典

神宗之遵

遺詔許建祠大哉

列聖遠謨光昭千古乃知成湯不以伐夏而歎沉
淵之務光武王不以革命而沒叩馬之采
薇責

今日一字之華袞纘

累朝疊下之溫綸教忠教孝善繼善述莫要於

此顧其昭昭在人耳目或與職部無涉者
職不敢贅也惟就科臣所稱卓敬訪冊遺
載者在南言南在戶言戶卓敬故戶部左
侍郎也職謹詳繹遺乘卓敬字惟恭浙江
瑞安人七歲時相工曰此兒骨髮殊異必
爲名卿惜血不華色耳年十五讀書寶香
山風雨夜歸迷失道得一兕牛馮之歸比
入門乃黑虎也登洪武二十一年進士除
戶科給事中陞宗人府經歷進戶部左侍
郎建文初敬密奏曰北平強幹之地金元
所繇興也宜徙燕南昌以絕禍本夫萌而
未動者幾也量時而爲者勢也勢非至勁
莫能斷幾非至明莫能察建文覽奏大驚
翌日語敬曰骨肉至親卿何得及此

成祖卽位責敬不奉迎怒欲殺敬而憐其才謂廣
孝曰諸姦臣皆欲首先害朕唯敬諫徒封
內地若聽其言則干戈息矣廣孝曰不然
南昌地居下流金陵加兵特探囊取物耳
使敬言誠用

陛下豈有今日於是敬遂死敬臨刑從容歎曰
變起宗親略無經畫敬死有餘罪神色凜
然經日猶如生夷三族

成祖嘗曰國家養士三十年卓敬可謂不負其君
後劉球傳其事私謚曰忠貞敬立朝慷慨
英偉美丰姿善談論凡天文地理律曆兵
刑皆能究察詩文峭拔磊落所著文集五
十卷看得本官果毅性成忠誠天賦負公
卿之骨髮而相表奇徵蹈風雨之迷途而

虎爲鄉道夕郎首建

朝儀幕府獨嚴宗牒佐邦計則出納必稽審
國勢則幾微先見劉忠愍所謂賈生策諸王
之勢鼂錯謀劉氏之安其斯人歟當

成祖纘緒之秋亦臣子致身之日刀環入口吠堯
之聲不輟戟枝入項非武之義猶伸誓不
俱生門無噍類

成祖追惜以爲不負其君今南都見有公祠專祠
夫

太祖養士之報

成祖嘉忠之意與三百年人心之天理不死具徵
焉在職部則敬爲先達不忍泯其孤忠在
國家則敬爲純臣儘可風乎頑鈍科臣以純
忠目敬良非溢美伏乞

勅下該部看議補入謚冊議定舉行以光

大典此外尚有遺佚未入謚冊一併訪補從公
速議其於世道人心未必無小補矣至於
海內名賢久虛謚典必公必慎必詳必虛
務使幽光必闡輿情必愜卽如先臣吏部
尚書周嘉謨之清介有執秉正不波戶部
侍郎周汝登叅政羅汝芳之博學好修守
先待後左僉都御史左光斗御史袁化中
李應昇黃尊素工部郎中萬燝等之正氣
干霄血燐化碧又如職鄉先臣戶部尚書
張孟男之公忠體

國屹屹闡修刑部左侍郎呂坤之理學經濟
疏安

國本文選司郎中贈光祿寺卿孟化鯉之青

南庚奏詩
風高節力學善俗提學副使何景明之文
學深邃詞足華國吏部郎中蘇繼歐之赤
心熱腸嫉邪被陷戶部主事尤時熙山西
叅政王以悟之粹修恬節古道照人貴州
督撫王三善遼東兵備崔儒秀之解圍請
纓馬革裹屍皆職所知而職所不知與知
之未真者尚多也然其中猶有列銜尚誤
訪冊未載者併乞
勅部一併訪核施行職不勝悚慄待
命之至

崇禎六年六月十八日奉

聖旨禮部知道

南京戶部右侍郎兼南京都察院右僉都

御史呂維祺謹

奏爲遵

旨再奏併懇

聖恩允放以全末路事項閩邸報南京兵部尚
書傅振商奏爲臣病愈深聞言增愧等事

於二月十一日奉

聖旨錢糧兵馬各有專責虛伍冒糧自應清核
該部奉旨補練如何不遵及聞人言乃以不
開糧爲辭職掌安在傳振商已有旨了其歷
年餘餉仍著呂維祺奏明該部知道欽此臣
聞人臣共任

國事固以雷同爲戒尤以和衷爲恭樞臣雖
侵臣者再臣寧甘分過必不越俎旁溢一
語以存雅道蓋樞臣大意謂不補軍開糧
不覆奏餘餉是否本情已蒙

聖鑒明白臣復何言卽月前臣曾具開過軍糧
等事一疏見在

御前一經

聖覽無不瞭然臣又復何言夫省糧簡浮化無
用以俟有用尚未全非然而臣謂兵卽無

用省簡亦非中道年來虛心反已咨催冊
號凡經科核到部先今共二千七百九十
餘名俱盡開糧無遺今將開糧年月數目
詳造簡明印冊送內閣部科備覽乃知開
不開餘不餘之故非可臆說也若曰當其
缺伍月有月餘年有年餘似也臣亦以爲
誠餘也然不知每年咨缺不過一千有奇
總計支糧不過一萬有奇缺伍之餘亦可
知也而計臣疏奏歷年浮補已近一萬餘
不敵浮又可知也無已則樞臣署臣部時
未聞補軍尚壓欠軍糧六七月曾積餘否
臣初署部倉庫有數月之積餘否而臣部
見積糧一百二十餘萬積銀二十餘萬不
可謂非餘也餘一石在倉一石餘一兩在

庫一兩皆作正支銷也卽與樞部所餘缺
官之柴薪直堂缺伍之買馬操賞等項作
何支銷皆大畧同也嗟夫餘餉之說非本
情也其初亦非求多於臣也在樞臣堂司
本侵計臣鄭三俊與臣無涉在計臣疏黏
冒濫亦與臣無涉前後

旨詰餘餉總係一事本經計臣覆奏疏亦見在
御前亦與臣無涉今一旦皆轉而之臣胡爲乎
來哉意者計臣前疏例應臣主稿會覆不
善俛仰而樞臣述臺臣疏有倉庫稍裕一
語至憤憤分功較罪一篇主意似在於此
臣之取撼招忌亦卽在此魚網之設鴻則
雁之甲之謂夫噫人臣當此

國家多故豈應復如往日厚身家瞻情面職

分內事自當是做善則歸

君誰敢屠功令樞臣曰功在人罪在己若以爲
功臣願推之樞臣且又曰積貯自缺伍積
餘得來臣亦願推之樞臣總之臣心自平
臣情自厚樞臣或亦有未知焉爾且臣聞
仁傑師德寇準王旦非不皆賢臣耶其初
猶不盡稱知己後乃始知爲人所容人之

知人固亦未易區區廉藺猶知先

國家之急而後私讐也古人用心寧忍同敗
願樞臣思之雖然臣與樞臣皆從庚癸風
濤中以至今日今樞臣行將考績疏榮其
願竭力以事

皇上之心豈後古人臣願

皇上之鑒之也至於臣心已竭臣病已深臣情

已苦近因力疾入署紛瘁丙夜蹶然暈倒
吏書扶歸愈加沉重湯水難進醫治未痊
且任事取息易躓末路雖同里同事稱同
心者且然况其他乎夫我

皇上亦嘗扼腕臣下謂無肯實心任事者抑知
任事之市怨賈忌爲人耽耽若此哉此臣
之所爲陳力當止審幾自惕也所幸計臣

趨

命復任正在旦夕一切計務俱屬計臣臣之擔
可以卸矣伏祈

皇上天恩放臣回籍調理或照臣前疏將臣
罷斥仍勉留樞臣速催計臣責令如臣前疏遇
缺早取衛冊科號一齊咨送不出十日卽
行着伍收糧庶可免混爭而圖實效從今

各修職掌而勿卸共效和衷而勿爭樞臣
卽更遷怒謗詆別伏毒著臣亦怡然受之
終不忍傷

國體與雅道俾害和衷之誼徒貽禍

國家使人噬臍也昔孟軻自負名世其王猶
反手氣養浩然尤拈出清任和三字而歸
於願學孔子之時蓋謂人臣任事不清則
源不潔不任則擔易推不和則兩敗而害
成然各成其偏而獨至不如渾歸於時而
無迹學究家以此爲泛言學問語耳不知
此是孟軻經世大經濟喫緊爲人處故近
世人臣非無以清自礪以任自勗而其所
不足嘗在和而不和而害乃與不清不任同
請試熟數連年中外共事不和之流弊何

如哉臣更願

皇上申諭計樞兩臣之於和焉加之意者卽以
申諭中外諸臣清脩任事和衷以濟時艱翼
中興想亦不離此道時乎時乎臣何勝隕越顯

望待

命之至

崇禎六年三月二十六日奉

聖旨奏內開糧餘餉事情知道了呂維祺以才
望新簡留樞正宜實圖振飭用副委任不必

引陳

總督糧儲南京戶部右侍郎兼南京都察院右僉都御史呂維祺謹

奏爲留樞重任量力難勝仰懇

聖慈俯容辭免以重根本以安愚分事該臣濫竽留儲兼攝計務前後三年於茲積僣抱病自知素餐業兩疏乞休兩疏求罷皆未蒙我

皇上恩允頃偶感危痾杜門問藥已於遵
旨再奏疏中乞

恩允放回籍正悚息待

命間忽於本年三月二十九日准吏部咨爲欽
奉

聖旨事該吏部等衙門會推具題於本月十二
日奉

聖旨呂維祺陞南京兵部尚書叅贊機務寫勅
與他欽此除臣恭設香案望

闕謝

恩外伏念留樞一官寄重根本責兼叅贊當四
郊多壘之日正未雨綢繆之時且單弱久

厯

宸慮整頓屢奉

嚴旨此必得留心韜鈴久諳軍實之臣始能勝
其任而愉快不然則長才偉望或精明強
固亦足與有爲也臣何人斯輒蒙

簡畀自顧愚劣措身無地臣生平固孱儒也筮
仕司理歷銓曹奉常以及今官未與兵習
也而羸然病軀精神旣苦少心血伏苦耗
且才綿望輕又非兵料也昔仲尼論政首
重兵食臣服官督儲賴

皇上之靈二三共事之力僅以支撐危庾今已
鼂技日窮魯縞難穿在食方切覆餗之懼
在兵寧免負乘之羞夫臣所生平尺寸不
渝者獨此癡衷與涇涇之守耳非用世才
也况所不習與所必不能勝乎仲尼聖人
也猶曰軍旅之事未之學也卽夾谷之會

南原奏議
歷階數語齊人章章歸其侵地亦必曰具
左右司馬以從乃知兵有別料非關才也
而况不才如臣耶卽臣之治餉猶市怨賈
忌以幾與淪溺况其所不習與必不能勝
耶嗟夫臣以一介書生蒙

皇上培養恩施髮膚非有頂踵何辭但愚拙如
臣戇執如臣善病如臣而處所不習與必
不能勝之地譬以弱犢遠駕恐致債轅如
豐芑重地何此臣之所爲躊躇再四循墻知
懼而不敢冒昧承也以今在朝在野在南
在北濟濟多賢應運動勦自有什伯於臣
者臣堅鷗鷺之盟以避賢路久矣伏懇

皇上念臣控辭出於至誠

准臣辭免仍以原官休致別

簡才望名碩以筦留樞庶愚分少安而根本重
地攸賴多矣臣曷勝激切惶悚待
命之至

崇禎六年四月二十六日奉

聖旨卿才品貞練實心任事留樞重寄特茲簡
畀著卽祇遵成命不必遜辭該部知道

總督糧儲南京戶部右侍郎兼南京都察

院右僉都御史呂維祺謹

奏爲感

思愈矢捐糜揣分終難冒昧萬不得已再瀝愚
誠懇祈

聖明鑒宥

矜允以無誤根本事該臣欽蒙

聖恩簡任留樞隨具疏爲留樞重任量力難勝
等事力懇辭免續接邸報於四月二十六

日奉

聖旨卿才品貞練實心任事留樞重寄特茲簡
畀著卽祇遵成命不必遜辭該部知道欽此

除臣力疾望

闕恭謝

天恩外竊念古人一飯尚不敢忘

君恩臣受

皇上高厚之恩不啻覆載生成况

溫綸諄切勗臣以貞練任事何物一介寒微獲

此

知遇旣感激如

天復悚仄無地不覺生平自矢捐糜之志至此愈

堅愈切何敢更陳顧臣反覆思維

皇上用臣非徒擁高爵而私之也抑以

豐芑重地關係

國家根本意臣或有小補焉耳而臣實自揣
愚分如以蚤負山其鮮不顛若謂臣區區
砥礪在儲小康而因食以之兵夫臣之瀕
於危者亦數矣鉛刀已鈍於一割鼂技寧
堪其五窮况連年真病真苦屢疏乞身非
自今始緣臣遇事認真心血久耗今怔忡
眩暈元氣不足近復加以脾病稍勞卽僵
然昏臥夫南樞非臥理地也今日非無事
時也兼臣口直心癡忌者多兢兢伺影萬
一債厯固無敢卸罪而負

皇上知人之明誤

豐芑根本之寄臣罪不愈大哉卽如頃者以
臣望輕弗信於友雖臣處心之澹下殿之
和可以仰對俯質始睽終孚而於義則不
可不去應去而留心弗安留之而儼然此
席心愈弗安夫臣豈虞口實而小嫌是避
也哉蓋以用舍固

朝廷之公典出處實人臣之大節受

恩愈厚愈慮報效之薄荷擔愈重愈懼物望之
輕仰辱

嚴命跼踖靡遑自知煩

瀆無所逃罪伏懇

皇上自爲根本計

鑒臣之心而宥其愚

矜臣之情而允其罷非獨爲微臣全名節實爲

豐芑重鎖鑰臣謹戰慄屏營以跂俟
明命臣不勝惓惓

崇禎六年六月十二日奉

聖旨卿簡任已久着遵旨作速視事不必顧慮
引陳該部知道

總督糧儲南京戶部右侍郎兼南京都察
院右僉都御史呂維祺謹

題爲清按樽節贖費等銀彙解抵餉以效涓
埃事竊自羽書當旁午之秋軍需有呼庚
之勢

國用浩繁司農仰屋海內臣工無不效涓埃
之助佐騰飽之需雖於

高深無補亦區區之心云爾臣衙門素無助餉
例但以奉

勅照督撫行事例有些須贖緩公費蓋每年小
修倉廩取於此總督之交際公費吏書之
工食紙劄賞賜取於此總巡錦衣水兌等
九差司官公費吏書轎夫工食紙劄等項
取於此用綦費矣往往苦不足苦透借稱

捉襟露肘者臣初任時見倉場傾圮意圖
修建是以加意撙節錙銖分毫不敢私費
越一年始薄有存積臣始敢經營修建其
江南江北庾工之修共用過銀二千八百
餘兩錢七十餘萬已告成銷筭另疏奏

聞矣今復清撥出撙節贖費等銀銖積寸累共
計三千兩俱係無碍銀兩傾銷成錠發錦

本衛指揮徐弘胤搭解北部助抵兵餉或謂助餉旣無舊例何必開端以貽後人之難緣臣素性澹泊平生頗以清節自砥而且踽踽涼涼知交最少交際幾絕故雖舊例放告多示免舊例違限多從寬卽已詳允而告稱貧窘者多批蠲但費用旣簡修建久竣所有存積長物自當爲公家寔用要之如蕪蠹之追賊廠匠之頂首皆會逢其適原非恒有固難例責之後人也臣草疏具

題間隨蒙

聖恩陞任得代臣復通行清查除續解南京戶部助抵兵餉南京兵部助修器械及置買學田外其餘尚有節省存積以備新督臣

修倉公用之需庶不至如從前之苦襟肘
而綽有餘裕矣伏乞

皇上勅下戶部將前搭解銀三千兩照數查收
併懇

皇上俯念南計匱乏一併准作抵_平爭例之數
雖精衛銜木愚公移山無裨

高深然苟於倉儲兵餉或有涓埃之補想亦不
擇細流不讓土壤者之所不遺也臣何勝
惶恐待

命之至

崇禎六年六月十二日奉

聖旨銀兩解到查收其抵還事例着行奏明戶
部知道

崇禎六年六月二十一日該戶部尚書侯

等具疏題覆奉

聖旨這南戶部事例銀兩已報未解及續收未報的通着查明照數速解以濟急需不得再延

總督糧儲南京戶部右侍郎兼南京都察院右僉都御史呂維祺謹

奏爲

進繳

勅諭事臣於崇禎三年七月十一日遵奉

勅諭到任管事隨經具題訖於崇禎六年三月二十九日准吏部咨爲欽奉

聖旨事該吏部等衙門會推題奉

聖旨陞臣南京兵部尚書叅贊機務臣隨具疏
辭免未蒙

俞允除臣隨將關防

符驗咨送新任督臣馬鳴起掌管外所有原奉

勅諭理合

進繳

崇禎六年六月二十一日奉

聖旨該部知道

南京總督部院交代本部院項下清查出節存
贖費咨

爲清查節存贖費銀兩事照得本部院項
下原有紙贖蓆竹工錢等項銀兩向來舊
存無多已經樽節存積除修理倉場解北
助餉及置買學田賑濟貧士貧民等項公
用外今本部院欽蒙

聖恩陞南京兵部尚書所有節省贖緩蓆竹修
倉工錢并近置清忠廠頂首銀兩逐一清
查明白備細開明以聽

貴部院查理內有批允見追者一併開明
備查爲此合咨

貴部院煩爲查照施行

計咨送

上元縣

見貯各省直解到隨糧蓆竹扣存碎蓆
餘丁工錢紙贖等銀四百九十六兩
四錢二分六釐三毫零

見貯工錢七十三萬三千二十八文每
千作銀九錢共該銀六百五十九兩
七錢二分五釐二毫

江寧縣

見貯各省直解到隨糧蓆竹扣存碎蓆
餘丁工錢紙贖等銀四百六十六兩
二錢六分三釐零

見貯工錢七十三萬五千四百零四文
每千作銀九錢共該銀六百八十八
兩八錢六分三釐六毫

以上二縣共見存銀九百六十二兩六
錢八分九釐

又錢一百四十九萬八千四百三十
二文 作銀一千三百四十八兩五
錢八分八釐八毫

上元縣批允紙贖共銀一千八百一兩三
錢五分一釐

江寧縣批允紙贖共銀五百五十二兩二分六釐二毫五絲錢五千六百文作銀五兩零四分

五城并府州縣批允紙贖共銀七百五十四兩四錢六分一毫錢四千六百四
百零八文每錢一千作銀九錢共該
銀四十一兩七錢六分七釐二毫

清忠廠頂首除修理助餉等銀外見存餘
剩銀八百四十六兩三錢內修船借
支銀六十一兩候池州府解到修船
銀補還

以上各項銀錢共六千三百一十二兩
二錢二分三釐零

前件內動支銀一千二百兩解戶兵

二部助餉修理兵器

實存銀五千一百一十二兩二錢二分
三釐零

上江二縣并五城各府州縣批允還官銀
三百零五兩五分八釐零

錢九百六十文 米六百五十石八
斗六升 豆六斗 草十包

南京總督部院交代本部院項下緊要簿籍咨
爲無會計則錢糧必不清無簿籍則會計
必不當乞

勅緊要置簿新舊相傳永遠遵行以盡洗害已
去籍之積習事照得本部院具題前事奉
聖旨據奏南京戶部錢糧簿冊紛繁舊多散失
顯是官胥通同耗蠹故去其籍致無稽查好

生可恨還著呂

訪覈弊端具奏所請置

簿會計永清積習依議仍著各衙門申飭通行該部知道欽遵在卷隨經通行申飭外照得本部院題奉

明旨新置各項簿籍俱列叙緣繇通行鈐印凡日行事件并各省直解到錢糧數目登註明白見在今本部院欽蒙

聖恩陞任交代所有置立各項簿籍逐一查明開列于後相應交代咨送爲此合咨

貴部院煩爲查照管理施行

計咨送題

奉

旨交代簿籍開後

各省直緊要完欠南糧簿共十六本

各省直司道有司官員歷履冊九本

各省直申報起程錢糧簿七本

題稿簿一本
咨稿簿一本

日行稿簿六本
日行總印簿十二本

照詳紙贖簿一本

日行各省直司道府州縣號簿十一本

總巡廳季報蓆竹工錢等項稽考簿三

本

屯務廳比較錦衣等衛屯官月比簿新

舊二十三本

錦衣等各差兩水兌修倉季報簿七本

錦衣等各差兩水兌季報蓆竹碎蓆等

銀簿十二本

本部銀庫暫折水兌米銀簿一本

上元縣蓆竹等銀兩季報簿一本

修倉工錢季報簿一本

紙贖等項銀兩季報簿一本

江寧縣蓆竹等銀兩季報簿一本

修倉工錢季報簿一本

紙贖等項銀兩季報簿一本

稽考簿九本

南京總督部院交代戶部在庫銀數

據監督銀庫陝西司主事岳虞巒呈報

實在扣算四月終止

一正項存銀一萬二千二百八十四兩

一錢三分九釐二毫四絲三忽八微

四纖二渺七漠五埃

一水兌米折六分存銀四萬六千四百

六十二兩二錢九分七釐七絲九忽

一屯米存銀一萬四千四百三十七兩

六錢四分一釐三毫四絲

一事例存銀二萬七千三百四十二兩

一遼餉存銀三百五十二兩三錢二分

六釐九毫一絲九忽

一新稅存銀三千九百一十七兩七錢

七分五釐四毫五絲

一寄扣存銀七千九百四十八兩六錢

二分一毫三絲

一小房租存銀二十兩五錢九分

一遙授存銀無

一節汰存銀三百三十九兩五錢八分

七釐

又舊廠節省銀二百七十七兩四錢八分六釐四毫六絲

又新廠節省銀四十三兩二錢三分八厘

以上共存銀十一萬三千四百二十五兩七錢一分一釐六毫二絲一忽八微四纖二渺七漠五埃

一銅差各廠借銀六萬六千兩應還補庫

以上總共見在庫應還庫共銀十七萬九千四百二十五兩七錢一分一釐有奇

南京總督部院交代戶部錢廠鑄息數

據監督舊廠錢法雲南司郎中李庭芳呈報前任郎中魏良槐任內自崇禎三年六月

起至四年七月止共獲過利息銀二萬二千三百零六兩七錢五分五釐七毫三絲已經奏報存廠作爲鑄本

郎中李榔任內自崇禎四年八月起至五年八月止共獲過利息銀二萬三千一百七十兩九分九釐九毫六絲已經奏報存廠作爲鑄本

主事李庭芳任內自崇禎五年十月初五日起至本年四月止鑄過制錢五次共獲過利息銀九千零五十八兩八分七釐九毫

以上三項共獲利銀五萬四千五百三十四兩九錢四分三釐五毫九絲

據監督新廠錢法雲南司主事官成呈報

前任主事何其僕任內自崇禎三年九月
十八日開鑄起至四年八月二十四日
止共獲息銀二萬四百六兩七錢八分
三釐七毫六絲八忽七微五纖

郎中張耀任內自崇禎四年十月十二日
開鑄起至五年十月二十五日止共獲
息銀二萬一千四百零八兩四錢四分
一釐七毫三絲七忽七微

主事官成任內自崇禎五年十二月初十
日開鑄起至本年三月初六日止鑄過
兩鑄半共獲息銀五千五百一十四兩
八錢二分八釐二毫三絲七忽五微八

纖

以上共獲見在鑄息銀四萬七千三百三

十兩零五分三釐七毫四絲四忽三纖
外

本職所鑄第四次制錢今尚在作未完獲
息俟收錢完日造冊另報

據督理清忠廠錢法四川司郎中孫世恪呈
報

本職見今開鑄其鑄息候完日另報

總督部院交代查棟各倉場已未轉厥進倉米
豆數

據巡視郎中胡我琨并管倉場郎中等官張
鶴塘施承緒王宮臻等報

見在江南各倉已轉厥米豆共八十五萬
六千九百六十九石九斗六升一合有

奇

見在江南各倉未轉厥米豆共一十一萬
六千四百六十七石有奇

見在江南水兌五場共兌放米二萬四千
二十一石六斗六升有奇

見在江北應天等倉已轉厥米豆共二十
萬五千七百七十六石四斗六升有奇



